

洪範政鑒

十二



洪範政驗金

十二之上  
十二之下

洪範政鑒卷第十二之上

皇極下

華孽

北齊後主武平元年。槐華而不結實。槐三公之位也。華而不實。萎落之象。明年錄尚書事。和士開伏誅。隴東王胡長仁。太保琅邪王儼。皆遇害。左丞相段韶薨。

陳後主時有張貴妃。孔貴嬪。並有國色。稱為妖豔。後主惑之。寵冠宮掖。每充侍從。詩酒為娛。一入後庭。數旬不出。荒恣侈靡。莫知紀極。府庫空竭。天下怨叛。將士離心。敵人鼓行而進。莫有死戰。女德之咎也。及敗。主與姬俱投於井。隋師執貴妃而戮之。以謝江東。傳曰。華者猶榮。華容色之象也。以色列國。故謂華孽。齊後主有寵姬馮小憐。慧而有色。能彈琵琶。工歌儷。後主拜為淑妃。選采女數千為之羽。從。一女之飾。動費千金。帝從禽於三堆。周師大至。邊吏告急。帝欲班師。小憐更請合圍。由



是遲留而晉州陷後與周師遇於晉州坐小  
憐而失機者數矣因而國滅

馬禍

宋公子地有白馬駟地宋元公子也公嬖向魍欲之

魍宋司馬也公取而朱其尾鬣以予之地怒使

其徒扶魍奪之魍懼將走公閉門而泣目盡

腫公弟辰謂地曰子為君禮不過出境君必

止子辰亦元也地出奔陳公弗止辰為之請不

聽辰曰是廷吾兄也遂出奔陳明年俱入于

蕭以叛大為宋患近馬禍也

秦孝公二十一年有馬生人昭王二十年牡

馬生子而死劉向曰皆馬禍也孝公始用商

君攻守之法東侵諸侯至於昭王用兵彌烈

其象將以兵革抗極成功而還自害也牡馬

非生類妄生而死猶秦恃力強得天下而還

自滅之象一曰諸畜生非其類子孫必有非

房曰方伯分威厥妖牡馬生子上

漢文帝十二年有馬生角於吳角在耳前上

向右角長三寸左角長二寸皆大二寸劉向曰馬不當生角猶

吳不當舉兵向上時吳王濞封郡五十餘城

內懷驕恣變見於外天戒早矣王不寤卒舉

兵誅滅京房曰臣易上攻不順厥妖馬生角呂

不韋曰人君失道馬有生角

成帝綏和二年二月大厩馬生角在左耳前

圍長各二寸時王莽為大司馬害上之萌始矣

哀帝建平二年定襄牡馬生駒三足馬國之

武用三足不任用之象也後侍中董賢年二

十二為大司馬居上公之位天下不宗哀帝

晏駕王莽收賢印綬賢恐自殺又誅外家丁

傳廢傳皇后發掘傳丁二太后陵辜及至尊

大臣微弱之禍也

後漢更始二年發雒陽欲入長安司直李松

奉引車奔觸北宮鐵柱門三馬皆死馬禍也

時更始失道將亡之應

和帝延熹五年四月驚馬與逸象突入宮殿

近馬禍也時政衰缺之應

靈帝光和元年司徒長史馮巡馬生人後巡  
遷甘陵相黃巾初起為所殘殺關東各舉義  
兵攻伐王政隔塞之應

光和中雒陽水西橋民馬逸走齧殺人時公  
卿大臣數有被誅者

晉武帝太熙元年遼東有馬生角在兩耳下  
長三寸案占兵象也及帝晏駕王室毒於兵  
禍之應也

京房曰臣易上攻不順厥妖馬生  
角茲謂賢士不足又天子親伐馬  
生角呂不韋曰人  
君失道馬生角

惠帝元康八年皇太子將釋奠太傅趙王倫  
驂乘至南城門馬上力士推之不能動倫入  
軺車乃進此馬禍也天戒若曰倫不知義方  
終為亂逆非傳導行禮之人倫不悟欲亡  
又元康九年十一月有牡騶馬驚奔至廷尉  
訊堂悲鳴死天戒若曰愍懷冤死之象見于  
訊堂其天意乎

愍帝建興二年九月蒲子縣馬生人時帝室  
衰微不絕如綫胡狄交侵兵戈日逼尋而帝

亦淪陷

元帝太興二年丹陽郡吏溧陽楊演馬生駒  
兩頭自項前別生而死司馬彪曰此政在私  
門二頭之象也其後王敦陵上

成帝咸康八年五月有馬色赤如血自宣陽  
門直走入殿前盤旋走出尋逐莫知所在是  
月帝晏駕此馬禍也

張重華在涼州將誅其西河相張祚廐馬數  
十匹同時悉無後尾

安帝隆安四年十月梁州有馬生角刺史郭  
銓送桓靈寶劉向曰馬不當生角猶靈寶不  
當舉兵向上靈寶不寤以至夷滅

後趙石季龍在鄴有一馬尾有燒狀入其中  
陽門出顯陽門東宮皆不得入走向東北俄  
不見佛圖澄曰災其及矣逾年季龍死國滅  
南齊明帝建武四年王晏出至市馬驚走步  
從車而歸十餘日晏誅又有一蘭馬逐女子  
入人家牀下避之馬發牀下食女股肉盡自



是京都頻有寇賊之應。梁侯景僭尊號，每將戰所乘白馬長鳴，蹠足者輒勝，垂頭者輒不利。西州之役，馬卧不起，景拜請且筮之，不動。近馬禍也。景因此大敗。

陳宣帝太建五年，衡州馬生角。時帝遣吳明徹出師，呂梁與周師拒連，兵數歲。明徹果為周虜。

梁明帝天保中，廣宗有馬兩耳間生角如羊尾。時契丹犯塞，文宣親御軍擊之，即親戰之。應隋煬帝大業四年，太原厩馬死者大半。帝怒案主者，曰：每夜厩中馬無故自驚死。巫者視之，巫者知帝將有遼東之役，希旨曰：先帝令將鬼兵以伐遼東，帝大悅。案占違天氣，故馬多死。時帝每歲巡幸，北事長城西通，且末國內虛耗。天戒若曰：除厩馬無事，巡幸帝不悟，遂至禍。

義寧二年，帝在江都宮龍厩，馬無故死。至數

百

與大業四年  
年占同

人痾 人祇附

魯文公十一年敗狄于鹹 也 鹹魯長狄 防風之

也國號兄弟三人一之魯 也 僑如也 來伐魯 為

一之齊 鄭 瞞 榮如也 伐齊 為一之晉 叔孫得臣所獲 為

皆殺之身橫九晦斷其首而載之眉見於軾

劉向曰時周室衰微三國為大可責者也天

戒若曰不行禮義大為夷狄之行將致危亡

其後三國皆有篡弑之禍 謂魯文公薨襄仲

齊連稱管至父弑襄公而立無知 近下人伐

上之痾也 劉歆曰此人變屬羸蟲之孽天地

京房曰君暴虐疾有道厥妖長狄入國

秦始皇帝二十六年有大人長五丈足履六

尺皆夷狄服凡十二人見臨洮天戒若曰勿

大為夷狄之行將受其禍是歲始皇初并六

國喜以為瑞銷天下兵器作金人十二以象

之遂自賢聖燔詩書佞儒士務欲廣地南戍

五嶺北築長城塹山填谷西起臨洮東至遼

東徑數千里故大人見明禍孽之起後十四

年秦亡

魏襄王十三年。魏有女子化為丈夫。京房曰：女子化為丈夫，茲謂陰昌；賤人為王丈夫，化為女子，茲謂陰勝。厥咎亡。刑一曰濫也。男化為女，女化為男。

婦政行也

洪範政鑒卷第十二之上

洪範政鑒卷第十二之下

皇極下

漢景帝二年九月膠東下密人年七十餘生  
 角角有毛時膠東膠西濟南齊四王舉兵叛  
 謀由吳起連楚趙七國下密居四齊之中角  
 兵象上嚮者也老人吳王象也年七十七國  
 象也天戒若曰人不當生角猶諸侯不當舉  
 兵以嚮京師也禍從老人生七國俱敗諸侯  
 不寤明年吳王起兵七國俱滅

京房曰家宰專政厥妖人生角



成帝建始三年十月京師相驚言大水至渭  
 水虜上小女陳持弓走入橫城門入未央宮  
 尚方掖門殿門門衛戶者莫見至句盾禁中  
 而覺得民以水相驚者陰氣盛也小女入宮  
 殿者下人將因女寵而居有宮室之象名曰  
 持弓有似周家壓弧之祥時帝母王后弟鳳  
 始為上將秉國政天知其後威天下入宮室  
 故象先見也其後王氏五侯秉權至莽卒篡  
 天下蓋陳氏之後云

京房曰妖言動眾茲謂不信路將云人司馬死

綏和二年八月鄭通里男子王褒衣絳衣小冠帶劔入北司馬門殿東門上前殿入非常室中解帷組結佩之招前殿署長業等曰天帝令我居此業等收縛考問褒故公車卒病狂易不自知入宮狀下獄死時王莽爲大司馬哀帝即位莽乞骸就第天知其必不退故因是見象姓名章服甚明徑上前殿路寢取組而佩之稱天帝命然時人莫察後莽篡國哀帝建平四年正月民驚走持橐或楸一枚

傳相付與曰行詔籌道中相過逢多至千數或被髮徒踐或夜折關或踰牆入或乘車騎奔馳以置驛傳行經歷郡國二十六至京師其夏京師郡國民聚會里巷阡陌設張博具歌舞祠西王母又傳書曰母告百姓佩此書者不死不信我言視門樞下當有白髮是時帝祖母傳后驕與政事杜鄴曰春秋災異以指象言語籌所以紀數民陰水類也水以東流爲順走而西行反類逆上象數度放溢妄

以相予違忤民心之應也。西王母婦人之稱。博奕男子之事於街巷阡陌。明離闈內與疆外臨事盤樂。炕陽之意。白髮衰年之象。體尊性弱。難理易亂。門人之所由。樞其要也。居人之所由。制持其要也。其明甚著。今外家丁傳。並侍帷幄。有罪惡者。不坐辜罰。亡功能者。畢受官爵。春秋所譏。亡以甚。指象昭昭。以覺聖朝。奈何不應。後王后臨朝。王莽為大司馬。誅滅丁傳。乃莽之應。

建平中。豫章有男子化為女子。嫁為人婦。生一子。陳鳳曰。陽變為陰。將亡。繼嗣自相生之。

象

一曰嫁為人婦。生子者。將復一世。乃絕。

平帝元始元年二月。朔方女子趙春病死。斂棺。積六日出棺。外自言見夫死。父曰。年二十七。不當死。京房曰。幹父之蠱。有子考亡。咎子三年不改父道。思慕不皇。亦重見先人之非。不則為私。厥妖人死復生。

一曰。至陰為陽。下人為上。

其年六月。長安女子生兒。兩頭異頸。面相鄉。

四臂共匈俱前。屣上有目長二寸。所京房曰。睽孤見豕負塗。厥妖人生兩頭。下相攘善妖亦同人。若六畜首目在下。茲謂亡上。正將變更。凡妖之作。以譴失正。各象其類。二首下不壹也。足多所任邪也。足少下不勝任。或不任下也。凡下體生於上。不恭也。上體生於下。媒瀆也。生非其類。淫也。人生而大上。速成也。生而能言。好虛也。羣妖推此類。不改乃成凶。靈帝建寧三年春。河內婦食夫。河南夫食婦。

劉昭曰。二食。夫妻在河南北。河者經天亘地之水也。河內。河之陽。夫婦參配。陰陽判合成體。今以夫之尊在河之陽。而陰承體卑。吞食尊陽。將非君道昏弱無居剛之德。遂爲陰細之人所能消毀。河南。河之陰。河視諸侯。夫亦家之而自食。正內之人。時宋后將立。而靈帝一聽近侍。無所厝心。夫以宮房愛惡亦不全。中懷抱。宋后終廢。王甫挾姦。陰中列侯實應厥位。天戒若曰。徒隨嬖人之意。夫噉其妻乎。

熹平二年六月雒陽民訛言虎賁寺東壁中有黃人形容鬚眉良是觀者數萬省內悉出道路斷絕應劭故往視之乃漏汙處膩赭壁剝數寸曲折耳案季夏土黃中行用事又在壁中壁亦土也見於虎賁寺者國之祕兵扞難禦侮必是於東東者動也言當出師天下搖動也及張角起兵自號黃天三十六方四面出和因其疲餒牽而勝之

光和元年五月何人白衣欲入德陽門辭我梁伯夏教我上殿爲天子中黃門呼門吏收縛何人吏未到須臾還走求索不得不知姓名其後張角稱黃天作亂應劭曰梁董同祖殆董卓廢帝殺后之驗袁山松曰張角不足致此祚乃曹氏滅漢之兆中黃門寺乃曹騰家尤見其證

二年雒陽上西門外女子生兒兩頭異肩共胷俱前向以爲不祥墮地棄之自此之後朝廷霧亂政在私門上下無別二頭之象亦董



卓廢弒之應

四年魏郡男子張博送鐵盧詣太官博上書  
室殿山居屋後宮禁落屋謹呼上收縛考問

辭忽不自覺

劉昭曰魏人入宮既奪漢之兆  
至後宮謹呼終亦禍廢母后

靈帝時江夏黃氏母浴而化為龜入深淵其  
後時出見初浴簪一銀釵及見猶在其首劉  
昭曰黃者代漢之色女人臣妾之體化為龜  
龜者元也入于深淵水實制火夫君德尊陽  
利見九五飛在于天乃備光盛俯等龜龜有

愧潛躍後帝者三不專權之應

獻帝初平中長沙有人姓桓氏死棺斂月餘  
其母聞棺中聲發之遂生案占至陰為陽下  
人為上其後曹公由庶士起

建安七年越雋有男化為女子周羣曰將有  
易代之事後果禪魏

魏文帝黃初初清河宋士宗母化為鼈入水  
明帝太和三年曹休部曲丘奚農女死復生  
時又開周世冢得殉葬女子數日有氣數月

能言郭后愛養之又太原人發冢破棺有一  
生婦人問其本事不知也視其墓木可三十  
歲即晉宣帝起之象

元帝咸熙二年八月襄武縣有大人見長三  
丈餘跡長三尺二寸髮白著黃巾黃單衣拄  
杖呼王始語曰今當太平晉尋代魏

吳孫亮建興二年諸葛恪將征淮南有孝子  
服衰入其門詰之云不自覺及恪師還果見殺  
孫休永安四年安吳民陳焦死七日復生穿

冢出干寶曰此烏程侯昭承廢故之家得位  
之祥也

孫皓寶鼎元年丹楊宣騫母年八十因浴化  
爲龜兄弟閉戶衛之掘堂上作大坎實水其  
中龜入坎遊戲一二日常延頸外望伺戶小  
開便輪轉自躍入遠潭不復還吳亡之象也  
晉武帝泰始五年元城人年七十生角此趙  
王倫篡位之象

咸寧二年十二月琅邪人顏畿病死棺斂已

久家人夢畿曰我當復生急開棺遂出之漸能飲食屈伸視瞻不能行語二年復死其後劉元海石勒僭逆遂亡晉室下人爲上之應惠帝元康中安豐有女子周世寧年八歲漸化爲男至十七八而氣性成此亦劉石蕩覆之妖

永寧初齊王囹唱義兵誅暴虐乘輿歸正忽有婦人詣大司馬門求寄產曰我截臍便去時囹將復王室天下歸功識者惡之後果斬戮未幾又有白頭公入囹大司馬府大呼曰有大兵起不出甲子旬囹殺之明年十二月戊辰囹敗即甲子旬也

太安元年四月有人自雲龍門入殿前北面拜曰我當作中書監即收斬之干寶曰禁庭尊祕之處賤人徑入門衛不覺者宮室將虛而下人踰之妖也是後帝北遷鄴又遷長安宮闕遂空

元康中梁國女子許嫁已受禮娉尋而夫戍

長安經年不歸女家更以適人女不樂行其  
父母逼強不得已去尋病亡後其夫還問女  
所在具說之徑至女墓不勝哀便發冢開棺  
女活因與俱歸後壻聞知詣官爭之所在不  
能決王導曰此非常事不得以常理斷之乃  
還前夫

惠帝光熙元年會稽謝真生子頭大而有髮  
兩蹠覆向上生便作文夫聲此僭差之象也  
懷帝永嘉五年五月抱罕令嚴根妓產一龍  
一女一鵝京房曰人生他物非人所見者皆  
爲天下大兵未幾平陽爲孽胡所害之應也  
愍帝建興四年新蔡吏任僑妻產二女腹與  
心相合自胷以上臍以下各分此天下未一  
之妖俄而四海分潰帝亦淪沒

元帝太興三年尚書駙謝平妻生女墮地淖  
淖有聲須臾便死臯目皆在頂上面處如項  
口有齒都連爲一胷如鼈手足爪如鳥爪皆  
下勾此亦人生他物非所見者後二年有石

頭之敗

成帝咸康五年暨陽民王和息女可年二十  
自云上天來還得嘉瑞印綬當母天下太守  
以為妖收付獄有人持柘杖絳衣詣止車門  
口列為聖人使求見天子辭稱姓呂名賜其  
言王和女可右足下有七星星星皆有毛長七  
寸天今命可為天下母即并誅之

康帝建元二年十月衛將軍營兵陳瀆女臺  
有文在其足曰天下之母灸之愈明有司繫  
以聞俄亡去明年帝晏駕獻后臨朝之應

孝武寧康初南郡女唐氏化為丈夫後趙石  
虎末大武殿所圖賢聖像頭悉縮肩中

宋明帝泰豫元年巨人見太子西池上跡長  
三尺許

南齊永明五年吳興東遷民吳休之女雙生

二兒肖以上齊以下合

京房曰人生二子二

手以上上臣謀其主二口以上國驚見兵三耳  
以上上謂多聽國事無定二臯以上國主久  
病三臂以上  
天下有兵

洪範政鑒卷第十二之下





